

Á fundi sveitarstjórnar Hrunamannahrepps þann 13. apríl s.l. var lögð fram umsagnarbeiðni frá Velferðarnefnd Alþingis um tillögu til þingsályktunar um aðgerðaráætlun um þjónustu við eldra fólk fyrir árin 2024-2028, 860. mál.

Afgreiðsla sveitarstjórnar var svohljóðandi:

Sveitarstjórn fagnar framkominni aðgerðaráætlun um þjónustu við eldra fólk en minnir jafnframt á mikilvægi þess að ávallt sé haft í huga hversu mismunandi aðstæður einstaklinga eru í okkar víðfeðma og oft á tíðum strjálbýla landi. Því er afar brýnt að sem þátttakendur í tilraunaverkefnum verði valin svæði sem best endurspegla fjölbreytta búsetu og mismunandi þarfir einstaklinganna. Enn fremur er minnt á mikilvægi þess að nauðsynlegt fjármagn fylgi til sveitarfélaganna eigi þau að hafa bolmagn til að innleiða og taka þátt í jafn viðamiklum og mikilvægum breytingum og hér er lagðar fram.

Þessi afgreiðsla sveitarstjórnar tilkynnist hér með, um leið og beðist er velvirðingar á því hversu seint umsögnin berst.

Með bestu kveðju

Aldís Hafsteinsdóttir
Sveitarstjóri



Hrunamannahreppur